

中国公共图书馆古籍文献珍本汇刊·丛部

天津  
图书馆

孤本秘籍丛书

中国公共图书馆古籍文献珍本汇刊·丛部

天津  
圖書館

孤本秘籍叢書(一)

任繼愈題



中华全国图书馆文献缩微复制中心

# 天津图书馆孤本秘籍丛书十三册目录

|                |       |              |       |     |
|----------------|-------|--------------|-------|-----|
| 净信堂初集八卷        | 明释智旭撰 | 明崇祯刻本        | ..... | 一   |
| 东皋诗文集不分卷       | 清张右民撰 | 清抄本          | ..... | 二二五 |
| 叶梧叟先生集十八卷      | 清叶应震撰 | 清乾隆二十八年梧岗精刻本 | ..... | 三二三 |
| 赖古堂未刻诗一卷       | 清周亮工撰 | 稿本           | ..... | 四八五 |
| 俞渐川集四卷         | 清俞汝言撰 | 清师竹斋抄本       | ..... | 四九七 |
| 望云草一卷          | 清魏象枢撰 | 清顺治刻本        | ..... | 六二三 |
| 徵景堂宦游小集五卷      | 清施鸿撰  | 清康熙刻本        | ..... | 六五七 |
| 介和堂集四卷补遗三卷附录一卷 | 清任辰旦撰 | 清抄本          | ..... | 七五七 |

(明) 释智旭撰

净信堂初集八卷

明崇禎刻本

淨信堂初集序

丙寅季夏先慈捐世卽已焚棄筆硯後因  
荏苒復經八載日積月累狼藉遂多門人好事輒隨  
錄之偶一展視不足存亦不足毀也夫孺羊茹退物  
之至賤隔日瘡者塞鼻便痊今天下寒熱于愛見者  
多矣予言雖無似安知不可與羊矢同奏功乎迺刪  
其繁蕪聊存八卷始自未出家時一二殘稿止于丙  
子入山之前名爲淨信堂初集倘以耆婆眼視亦當  
置藍空回曾何非藥之可採哉

淨信堂初集序

崇禎壬午仲夏滿益道人智旭書

淨信堂初集卷一

滿益道人智旭著

願文上

四十八願

天啓元年歲次辛酉七月三十日發時未出家名大朗優婆塞

稽首三身圓滿尊一切真如覺性海稱彼法界等虛  
空種種莊嚴大願海果因交徹不思議菩薩一切修  
行海亦禮阿彌陀如來觀音勢至及地藏我爲慈親  
罔極恩徧憫一切衆生界發生如實增上心修行念  
佛勝方便淺信淨土攝受門廣大誓願普皆被妙戒  
淨信堂初集卷一願文

爲舟智慧舵方便爲帆佛力風盡未來際渡衆生終  
不一念捨五濁諸佛願海如帝珠攝於我願重重現  
我願亦如摩尼王諸佛願海悉皆攝願輪橫徧於十  
方亦復豎窮於三際一切智智之所乘故我至心勤  
修習

第一願者我本發心爲欲上報慈父鍾之夙生我之  
恩惟願三寶慈悲力令我無始以來經生慈父咸生  
淨土速證菩提能令聞我名者亦得上報父恩第  
二願者我本發心爲欲上報悲母金大蓮養育之恩

惟願三寶慈悲力。令我無始以來經生悲母。咸生淨土。速證菩提。能令聞我名者。亦得上報母恩。第三願者。願度法界虛空界一切衆生。盡成佛竟。我然後方取泥洹。第四願者。願我姪機身心俱斷。斷性亦無。能令聞我名者。亦得永斷姪根。第五願者。願我殺害業習滅盡無餘。能令聞我名者。徧生慈力。第六願者。願我癡暗謗三寶業滅盡無餘。能令聞我名者。正信三寶。第七願者。願我諸不善業悉得清淨。能令聞我名者。安住梵行。第八願者。願我決生極淨信堂初集 卷一 願文 二

樂世界速證無上菩提。分身塵刹度脫衆生。盡未來際無有疲厭。第九願者。願我生生世世不忘本願。於五濁世善化衆生。第十願者。願我在在處處弘通正法。無諸魔障。十一願者。願得無量智慧。善能通達一切佛法。十二願者。願得無量辯才。開導羣迷。降伏外道。一切無畏。如獅子吼。十三願者。願得無量神通。徧至十方國土。承事一切如來。及善知識。一切海會。無不得與。十四願者。願我能出種種微妙音聲。盡未來際讚歎三寶。令諸衆生知所歸依。

十五願者。願能隨意出生種種微妙供養。供養三寶。爲諸衆生作大福田。十六願者。十方一切衆生。所有功德。我皆隨喜。令其成就。無上菩提。十七願者。十方如來成正覺時。我先勸請轉大法輪。開示衆生。無上覺路。十八願者。十方如來般涅槃時。我悉勸請莫入涅槃。常住世間。饒益含識。十九願者。十方如來會中。推我爲大法王子。佛於一切海會。讚我功德智慧。慈悲願力。如觀世音如地藏王等。無有異。二十願者。願以大悲光明。照諸地獄。觸我光者。應時淨信堂初集 卷一 願文 三

變諸苦事。成勝妙樂。二十一願者。願以大悲光明。照諸餓鬼。觸我光者。應時捨餓鬼身。得淨土生。二十二願者。願以大悲光明。照諸畜生。蒙我光者。離諸怖畏。捨身之後。得淨土生。二十三願者。願以大悲光明。照諸鬼神。蒙我光者。悉捨瞋心。開悟佛道。捨諸醜陋。得清淨身。二十四願者。願以大悲光明。照諸苦惱衆生。蒙我光者。疾病消除。六根具足。一切厄難。皆解脫。無量恐怖悉消除。無延年發菩提意。若臨命終。卽生淨土。二十五願者。願以大悲光明。照觸

有形無形有想無想及諸魔外。令其身心捨諸邪見。通達佛乘。二十六願者。願以大悲光明。照觸人天。令其不迷欲樂及欣厭定。各各勤求無上菩提。二十七願者。願以大悲光明。照諸聲聞緣覺。令其捨無爲證。速趨佛乘。二十八願者。願以大悲音聲。開示一切衆生。令諸衆生。決定明悟。不戀三界。不樂餘乘。惟求無上菩提。二十九願者。願以大悲神力。隨順衆生種種所求。恒令如願。俾于我法。生深信心。三十願者。我以救度衆生故。願於十方。現作佛身。或現淨信堂初集

卷一 願文

四

六。乃至衆生一切所須。皆現作之。令諸衆生。若服若食。若倚若履。咸得安樂。發菩提心。三十四願者。若諸衆生。樂求佛乘。聞我名。已不捨肉身。得佛菩提證。於究竟。三十五願者。若諸菩薩。莊嚴佛土。聞我名。已其國勝妙。踰於極樂。欲現穢土。則得無量方便善化。剛強難化衆生。三十六願者。若諸衆生。欲見諸佛。淨土聞說法音。我願令彼。皆得見聞。三十七願者。若諸衆生。欲往無數世界。供養三寶。願令一念之間。普得周徧。三十八願者。若諸衆生。欲生諸佛淨土。聞我名號。即得隨願往生。三十九願者。若諸衆生。向我普願。速得無量智慧方便。威德自在。四十願者。若有衆生。樂求小乘。我願令彼。速登聖果。即便回心入菩薩乘。四十一願者。願諸十方。修行菩薩。聞我名號。直至菩提。永無魔事。四十二願者。願諸十方。邪魔外道。聞我名號。即捨邪見。同歸正覺。四十三願者。若有衆生。身具五逆十惡。四棄八棄。當墮大地獄中。我願以大悲心力。使知求哀懺悔。隨現勝妙色身。至其人前。摩頂安慰。令彼罪根永拔。發菩提

卷一 願文

五

心 四十四願者。若有衆生。或謗我法。或詈我名。或  
雖障重。我誓以平等大慈悲力。令其滅惡。速趣菩提。  
四十五願者。願我慈眼最極清淨。普視盡虛空界。  
乃至極苦之處。悉令安樂。極惡衆生。悉令賢善。四  
十六願者。願我印手。最極莊嚴。於念念中。出生一切  
諸供養雲。諸珍寶雲。諸衣服雲。諸衆具雲。諸飲食雲。  
諸醫藥雲。諸三昧雲。諸總持雲。諸辯才雲。諸光照雲。  
徧虛空界。利益衆生。盡未來際。無有斷絕。四十七  
願者。願我名號最極高遠。盡十方界。靡不周徧。乃至

淨信堂初集 卷一 願文

六

法滅之處。我名不滅。恒令衆生。若聞若稱。悉得解脫。  
四十八願者。願我色身最極微妙。以不可說不可  
說佛刹極微塵數。大人之相。而自莊嚴。一一相有不  
可說不可說佛刹極微塵數。隨形好。一一好有不可  
說不可說佛刹極微塵數。光明。一一光明。皆作不可  
說不可說佛刹極微塵數。色嚴飾國界。皆演不可說  
不可說佛刹極微塵數。聲。宣揚妙法。皆發不可說不  
可說佛刹極微塵數。香。普熏一切。皆出不可說不可  
說佛刹極微塵數。上妙飲食。供養一切。皆雨不可說

不可說佛刹極微塵數。衣服衆具。普施一切。皆現不  
可說不可說佛刹極微塵數。化佛教化一切。一一化  
佛。皆有不可說不可說佛刹極微塵數。諸化菩薩。以  
爲眷屬。一一菩薩。皆有不可說不可說佛刹極微塵  
數。殊勝莊嚴。一一莊嚴。皆作不可說不可說佛刹極  
微塵數。廣大佛事。一一佛事。皆於不可說不可說佛  
刹極微塵數。世界利益衆生。其有衆生。見一佛事。則  
得見我微妙色身。見我身者。則能與我平等。則能速  
得成佛。

淨信堂初集 卷一 願文

七

受菩薩戒誓文

天啓四年歲次甲子  
十二月二十二日發

如是戒品。我今於一切三寶前。普願受持修學。盡未  
來際。不復捨離。假使持戒。因緣百千萬劫。恒受困苦。  
誓不以苦故。退失今日道心。假使破戒。因緣百千萬  
劫。恒受安樂。誓不以樂故。退失今日道心。以此學戒  
功德。願我及衆生。從無始世來所作衆罪。盡得消滅。  
若一切衆生。所有定業。當受報者。我皆代受。徧微塵  
國。歷諸惡道。經微塵劫。備嘗衆苦。歡喜忍受。終無厭  
悔。令彼衆生。先成佛道。我所發願。真實不虛。願十方

三寶現爲我證。手摩我頭。衣覆我體。甘露灌頂。光明  
焰身。令我道心。日夜增長。入諸三昧。得陀羅尼。文殊  
智海。念念清淨。普賢行海。念念圓成。命終之後。生諸  
佛前。證不思議。解脫境界。普能遊戲。出入塵勞。盡度  
迷流。向登覺岸。虛空有盡。我願無窮。歸命頂禮一切  
三寶。

刺血書經然香願文

崇禎元年。歲在戊辰。秋七月二十有九日。地藏大士  
聖誕之辰。菩薩戒弟子智旭。刺舌端血。書寫大乘經  
淨信堂初集。卷一 願文

八

律。先於十方常住三寶前。然臂香十二炷。發是誓願。  
一者。以此功德。願我亡父鍾之鳳及無始來生身慈  
父。斷於無始我執。證得真淨大法。生極樂土。受成佛  
記。二者。以此功德。願我亡母金大蓮。及無始來生身  
悲母。斷除根本煩惱。逮得最上解脫。蓮華化生。見佛  
受記。三者。以此功德。願我現在同行善友。及過去一  
切真善知識。皆先圓滿菩提。四者。以此功德。願與法  
界衆生。破除二執。五者。以此功德。願與法界衆生。斷  
滅衆苦。六者。以此功德。願與法界衆生。得金剛身。七

者。以此功德。願與法界衆生。淨三聚戒。八者。以此功  
德。願與法界衆生。圓滿正定。九者。以此功德。願與法  
界衆生。證實相慧。十者。以此功德。願與法界衆生。發  
菩提心。十一者。以此功德。願與法界衆生。得不退轉。  
十二者。以此功德。願與法界衆生。歸無上覺。次復然  
香三炷。并誦梵網戒經一卷。地藏本願經一部。頂禮  
三世千佛。代爲近日水難衆生懺悔。願令報障永謝。  
不復更受業障。永滅不復更造煩惱。永入不復更生。  
又復以上發心發願善力。因緣普施法界一切衆生。

淨信堂初集。卷一 願文

九

書佛名經然香回向文

崇禎元年季冬。一十有五。比丘智旭。書佛說佛名  
經畢。然香發願。一炷供養。如是諸佛。願與法界衆生。  
紹隆佛種。一炷供養。如是尊經。願與法界衆生。入智  
慧藏。一炷供養。如是僧寶。願與法界衆生。登解脫門。  
一炷懺悔。無始眼根罪。願與法界衆生。常覩佛色。一

炷懺悔無始耳根罪。願與法界衆生同聞法音。一炷懺悔無始鼻根罪。願與法界衆生常嗅法香。一炷懺悔無始舌根罪。願與法界衆生常宣法味。一炷懺悔無始身根罪。願與法界衆生服慚愧衣。一炷懺悔無始意根罪。願與法界衆生悟如來藏。一炷薦拔父母親緣。願令超脫徑登九蓮。一炷保佑國土人民。願令安泰。信樂三寶。一炷保佑常住僧祇。願令永得和合說戒。嚴淨毘尼。一炷保佑淨業善友。願令永得熏修大乘名標蓮蓋。一炷保佑禪堂清衆。願令不起邪思。

淨信堂初集 卷一 願文

十

魔事。定慧圓明。一炷保佑職事諸師。願令深求妙行。慈心福慧兩足。一炷保佑比丘寂智。願令更無疾病。常獲精修。一炷保佑比丘道昌。願令拔盡障緣。精勤道品。一炷保佑一切道友。願令身康祿熾。正向菩提。如是發心發願功德因緣。普施含靈。咸生安養。親覲阿彌陀佛。同圓一切種智。

爲雪航檝公講律然香願文 刺血書

崇禎己巳春正月十有五日。菩薩戒比丘智旭爲同學比丘智檝講四分戒本。然香十炷。發十大弘願。一

者願法界一切地獄衆生同得解脫。永不受果。永不造因。二者願一切餓鬼道同得解脫。三者願一切畜生道同得解脫。四者願一切阿修羅捨憍慢習。五者願一切人道發菩提心。六者願一切天道永斷諸漏。七者願一切聲聞回小向大。八者願一切辟支發起大悲。九者願一切菩薩盡無明源。十者仰願一切如來更增法樂。又願以此功德。令道友智檝蕩滌流俗。知見拔除。離伺邪思。赤歷歷荷擔正法。不惜身命。真懇懇哀憫衆生。善能度脫。若其從無始來至于昨日。

淨信堂初集 卷一 願文

十一

所有一切惡業應受報者。智旭悉皆代受。令得解脫。所有一切善業應受報者。普施法界衆生。同成正覺。從今已去。執持禁戒。塵業不侵。嚴護威儀。蜎飛無損。樹正法之妙幢。作人天之模範。更願智旭恒於盡虛空徧法界三惡道中。普代衆生受無量苦。經於不可說不可說微塵劫。海備嘗楚毒。終無厭悔。使法界衆生無一不成佛竟。我方解脫。以此發心發願功德。仰願諸佛大慈加被。大悲救濟。令一一字。放無量光。一光焰無量國。一念之頃。悉周法界。普施衆生究竟

法樂情與無情同圓種智

發心持呪然香文

菩薩戒弟子智旭然香五炷供養法界三寶發願持念地藏菩薩滅定業真言一百萬遍觀音靈感真言十萬遍七佛滅罪真言十萬遍藥師灌頂真言十萬遍往生淨土真言十萬遍次當結壇持大悲神呪十萬遍次又然香三炷供養菩薩比丘廣鑄大文受籌佛弟子道壽弘印等伏乞同爲證明所願如來正法復興末世弊端盡革光明壽命稱性量而無量福德

淨信堂初集

卷一 願文

十二

智慧等虚空而不空普願合生同生安養

菩薩戒比丘廣鑄大文受籌佛弟子道壽弘印各然臂香三炷隨喜助發 崇禎二年二月廿九日

禮大報恩塔偈

同然香者一十五衆

稽首圓滿大悲覺無量功德堅固藏普現色身妙寶塔瑠璃衆寶所莊嚴一塵含攝法界色一色普放法界光隨求感應不思議哀愍我等及羣生願舒無畏大光明令我等除惡道怖出入遊戲六道中度脫一切如幻衆願舒清淨大光明令我等除破戒垢毘尼嚴淨最清涼息諸六道煩惱熱願舒三昧大光明令

我等除雜亂想炤了法界無分別起諸無作大神通願舒智慧大光明令我等盡無明漏深達法性之源底頓同妙覺無差別願舒如意大光明令我等滿隨心願色力壽命及辯才福德名聞無不備以茲啓迪諸羣蒙令皆歡喜發深信護持正法永不滅實義熾然昭千古寧使身碎如微塵終不退捨菩提願寧使永劫受衆苦終不忘失大悲心惟願莊嚴妙寶塔常住三寶及天龍證知我等弘誓願放大光明攝受我

爲母三周求拔濟啓

淨信堂初集

卷一 願文

十三

菩薩戒弟子智旭比丘一心敬禮十方常住三寶極樂世界阿彌陀佛及二大士清淨海衆亦復敬禮現前真實善友所謂法主月潭德師師兄歸一籌公比丘如是盼兄汝航援兄佛子惺谷壽兄印海喻兄沙彌一還復公遂徵遠公惟謙鉅公等悉同啓請伏願以慈善力以悲救心爲我亡母優婆夷金氏大蓮隨意課持若經若呪若多若寡資我亡母設我亡母未生淨土今令決定往生若已生者今令決定見佛若已見佛今令增長品位念我亡母捐棄不肖已經三

載及省不肖已躬曾無片德可報慈恩實深慚愧痛  
自悔責負世間之孝道乖出世之本期自非眾友提  
攜恐貽未來淡累惟願眾友廣菩提心廣菩提願廣  
菩提行不惟爲我父母各各普爲法界眾生經生父  
母歷劫親緣連無緣慈與同體悲令一經一咒功沾  
沙界福等虛空願智旭爲最後得解脫人盡見一切  
眾生皆先解脫仰憑十方三寶淨土聖賢現前善友  
同加攝受同加救護情與無情齊成正覺

爲母然香發願回向文

淨信堂初集

卷一 願文

十四

娑婆世界一四天下南瞻部洲大明國直隸蘇州府  
吳縣菩薩戒比丘智旭一心皈命法界三寶伏爲父  
母優婆夷金氏大蓮存年六十七歲原命庚申官八  
月二十七日丑時受生於今崇禎二年六月初一日  
適當棄世三周之期痛念淡恩罔知攸報敬然臂香  
七炷供養十方法界常住佛十方法界常住法十方  
法界常住僧娑婆教主釋迦文佛及文殊普賢等諸  
大菩薩極樂教主阿彌陀佛及觀音勢至等諸大菩  
薩幽冥教主地藏大士及十方諸大菩薩摩訶薩現

前清淨真實善友普同供養伏蒙一切善友各目發  
心爲我亡母誦種種經咒同申薦拔菩薩戒比丘廣  
德誦金剛經一卷彌陀經一卷受籌禮大悲懺一堂  
持往生咒一千佛名一萬比丘道昉持大悲咒二千  
佛名十萬道援禮大悲懺一堂持佛名二萬菩薩戒  
弟子道壽持大悲咒一萬托劉心城往生咒一萬托萬觀  
音普賢地藏各各十萬持了喻誦妙法蓮華經十部  
沙彌寂復誦大佛頂首楞嚴經一部成遠誦金剛經  
一卷彌陀經一卷持往生咒百遍傳鉅誦妙法蓮華

淨信堂初集

卷一 願文

十五

經一部智旭自誦大方廣佛華嚴經一部妙法蓮華  
經一部梵網經心地品菩薩戒十卷又爲了喻母丁  
氏誦大方廣佛華嚴經一部今同了喻於靈谷律寺  
大雄寶殿殷勤頂禮三世三千諸佛名號同申回向  
伏願旭母金氏與喻母丁氏罪因苦果淨盡無餘智  
種福基具足無減蓮開上品之華佛授一生之記悟  
法界藏身入普賢行海智旭又爲父鍾之鳳母金大  
蓮乃至多生眷屬歷劫親緣亦爲現前善友所有此  
世他生親緣眷屬廣及法界無窮無盡一切眾生合

靈抱誠有佛性者。今日悉復代爲皈依。代爲懺悔。代爲悔過。自新。代爲發弘誓願。盡於法界所有衆生。從無始劫。至於今日。一切殺生之罪。願得消除。自今以去。更不復造。若其定業。應受刀山劍樹等苦。智旭普皆代受。令彼衆生安住大悲。一切偷盜之罪。願得消除。自今以去。更不復造。若其定業。應受考逼酬償等苦。智旭普皆代受。令彼衆生成就大捨。一切姪欲之罪。願得消除。自今以去。更不復造。若其定業。應受鐵牀銅柱等苦。智旭普皆代受。令彼衆生圓滿梵行。一

淨信堂初集 卷一 願文

十六

切妄語之罪。願得消除。自今以去。更不復造。若其定業。應受拔舌犁耕等苦。智旭普皆代受。令彼衆生證真實法。一切飲酒之罪。願得消除。自今以去。更不復造。若其定業。應受灰河沸屎等苦。智旭普皆代受。令彼衆生得大智慧。一切貪愛之罪。願得消除。自今以去。更不復造。若其定業。應受積寒堅氷等苦。智旭普皆代受。令彼衆生永獲清淨。一切瞋恚之罪。願得消除。自今以去。更不復造。若其定業。應受猛火燒然等苦。智旭普皆代受。令彼衆生發起大慈。一切癡暗之

罪。願得消除。自今以去。更不復造。若其定業。應受盲聾頑鈍等苦。智旭普皆代受。令彼衆生滿足菩提。一切塵沙等罪。願得消除。自今以去。更不復造。若其定業。應受種種塵沙等苦。智旭普皆代受。令彼衆生究竟涅槃。以此發願功德。伏願一切地獄等受安樂。一切餓鬼等獲飽滿。一切畜生等蒙解脫。一切修羅等證慈忍。一切人道等悟無生。一切天道等盡諸漏。一切聲聞等發大願。一切緣覺等起大悲。一切菩薩等滿菩提。一切如來等增法樂。又願我等善友現在親

淨信堂初集 卷一 願文

十七

緣增崇福壽。過去眷屬超登寂光。又願廣德比丘壽命無量。福德無量。色力無量。辯才無量。受籌比丘增長大悲。成就大力。善能化度五濁衆生。道助比丘開發深智。具足神通。獲無礙解。得大總持。道援比丘止見昭明。慧眼清徹。斷諸障執。悟圓頓乘。道壽佛子及其同行。具一切智。斷一切惑。盡一切習。滿一切行了。喻佛子。永離塵緣。速圓梵行。任持正法。廣反羣迷。寂復沙彌。戒根永淨。道力彌堅。定慧圓明。慈悲普覆。成遠沙彌。捨諸掉舉。絕諸戲論。成就忍力。荷擔法門。傳

鉅沙彌摧我見幢息瞋恚火虛懷受益品格超方又  
願智旭比丘生生世世在在處處常得承事供養一  
切善友領善友教護善友法善友成佛爲影響衆盡  
未來際不念疲勞仰惟法界三寶大慈覆護大悲拔  
濟令我所願疾得滿足普與舍生同圓種智

禮慈悲懺疏

大明國直隸蘇州府吳縣菩薩戒比丘智旭同福建  
泉州府晉江縣比丘道昉應天府靈谷寺左任持了  
喻右任持寂復菩薩戒比丘如相本清真廣等至心

淨信堂初集 卷一 願文

十八

歸命十方三世無窮無盡一切三寶願展慈光俯垂  
悲濟旭等各各自念師僧父母眷屬親緣乃至法界  
諸衆生等從無始劫至于今生迷心逐物捨善從非  
造無量之惡業不知悛改受無邊之劇苦不思遠離  
或雖修善業耽著有爲或雖樂無爲不知出要或雖  
求出要但願小乘或雖慕大乘未達實相是用發廣  
大心蓮菩提意於今崇禎二年七月十二日爲始乃  
至十六日爲終相與和合一心清淨三業殷勤頂禮  
慈悲道場懺法所有罪障代爲悔除所有善根代爲

回向仰憑彌勒世尊釋迦慈父彌陀導師無邊身菩  
薩觀世音菩薩地藏王菩薩懺法海會佛菩薩同賜  
證明同加攝受令我衆等生身父母剃度師僧現世  
眷屬歷劫親緣在惡道者卽蒙解脫在善趣者永離  
塵勞悟毘盧之性海入普賢之行門等地藏之悲心  
滿觀音之慈力淨文殊之妙智轉法藏之願輪以此  
廣大功德回向無上菩提盡攝舍生皆沾勝益伏願  
三塗息苦八難蒙恩修羅折憍慢之幢魔外裂愛見  
之網人世享太平之樂修習菩提諸天盡有漏之源

淨信堂初集 卷一 願文

十九

咸登正覺盡塵沙界普歸圓頓真宗徧刹海中永絕  
權乘名字次願詳叙親戚師友不錄仗此良因悉超蓮界又願  
我等自身及諸師友善惡知識親朋故舊若道若俗  
若近若遠若前若後若復同儕福基昌熾祿命增崇  
智慧開明障緣解脫朗戒月於中天扇願風於八極  
隆德望於須彌濬法施於阿耨興迦文之正法行果  
與教理齊彰闡樂土之玄猷萬善與一行同致徧遊  
沙界不違安養之邦備歷異生不失圓明之解等諸  
佛之莊嚴具菩提之誓鑑圓無邊之三昧示無量之

神通普與含靈齊成佛道。虛空有盡我願無窮。惟願三寶證明功德。

### 持準提神呪願文

菩薩戒比丘智旭。一心歸命大慈大悲準提王菩薩摩訶薩。智旭向於大報恩寶塔前。爲求十二種願。然臂香十二炷。發心散持準提神呪一百二十萬遍。今更束十二願共爲三願。復然臂香三炷。結壇持誦神呪三十萬遍。惟願菩薩不違本願。不捨衆生。大慈攝受。大悲拔濟。令我所願速得滿足。言三願者。一願離

淨信堂初集

卷一 願文

二十一

欲得通以無量神足。作無邊佛事。未信者。令信。信者。令增廣。攝化自在。重興正法。俾毘尼實義。昭揭中天。教觀禪那。盡除流弊。靈山一會。共睹儼然。淨土九蓮。同期托質。二願得大福報。以無量資財。作無邊佛事。上供三寶。令福田永現於世間。下濟貧窮。令四攝展轉而圓備。莊嚴尊像。四衆瞻依。修葺伽藍。六和辦道。流通大藏。昭佛祖之慧命。救贖衆生。普法界之慈緣。先使離困乏之苦。後俾獲法喜樂。三願得大壽命。以無量色力學無邊法門。身心輕利。慧眼開明。窮正覺之

心源。竟法海之涯底。宗說二通。折伏舉一。廢餘之魔。見無礙四辯。開導萬有不齊之羣機。讚戒讚聞。無一人不秉真說。弘禪弘淨。無一處不轉正輪。如此三願。不爲自圖名利。自求安樂。自出生死。自證菩提。普爲法界衆生。同具如來十號。同證涅槃四德。同至究竟安隱處。同超二種生死苦。同圓四智菩提果。同居上上寂光土。仰惟法界三寶大準提王。決定以神力加被。令我現在速如所願。然後盡未來際。行普賢妙行。披地藏誓鎧。代衆生苦。與衆生樂。衆生不度盡。不取

淨信堂初集

卷一 願文

二十二

般涅槃。如諸佛菩薩。所有大智。所有大悲。所有弘誓。所有方便。無不隨學。無不具足。情與無情。同圓種智。

### 禮大悲銅殿偈

稽首圓滿大悲尊。慈心普覆虛空界。十方三世靡不周。上弘下化無窮極。陀羅尼力妙威神。誦者隨求皆獲願。我本仰承呪力生。我父夢中曾覺悟。我幼持齋甚嚴肅。夢感大士曾相召。我以無始惡業緣。盲無慧眼。從邪教。破齋毀佛。誦大士大士於我恒憐憫。無作妙德。冥加被。令我終獲堅固信。我今已發菩提心。誓

忘身命持正法恨我障重惑業深恒與大士悲相隔  
有耳不聞妙法音有眼不睹妙色相不聞法性之妙  
香不食常樂之法味不覺自在解脫觸不悟圓融清  
淨法三漏三垢常熾然三德三身恒覆蔽我今哀懇  
發深誠願求大士恒悲救我雖具有無邊罪大士能  
令悉消滅我雖無有勝善根大士能令悉具足我然  
臂香滿十炷供養大士十界身誦持神呪滿十萬懺  
除無始十惡業願我永斷十惡業願我究竟十善業  
成就十種波羅蜜滿足普賢十大願色力智慧及壽  
淨信堂初集 卷一 願文 二二

### 然香起呪文

菩薩戒比丘智旭一心歸命法界三寶持呪神王願  
展慈威俯垂折攝智旭向於佛前爲求種種大願屢  
然臂香發心誦持種種神呪無奈障緣深厚煩惱重  
濁雖多誦持仍紆雜想雖護淨戒每犯律儀克已省

躬實增慚懼由是重生悲切再展真誠易慮洗心懲  
前創後仍然臂香七炷供養七種微妙伽陀從今十  
一月初一日爲始每日誓持大佛頂首楞嚴呪七遍  
又復以次持滿地藏滅真業真言百萬觀音靈感真  
言十萬七佛滅罪真言十萬藥師灌頂真言十萬往  
生淨土真言十萬更復結壇持誦大悲圓滿神呪十  
萬次卽然香三炷最先供養地藏滅定業真言俟持  
完時然後然香持靈感真言乃至大悲神呪悉應次  
第供養誦持將此哀忱必求加被伏願智旭從今以  
淨信堂初集 卷一 願文 二二

### 已巳除夕然香文

崇禎二年除夕菩薩戒比丘智旭第三閱律藏畢敬  
然臂香三炷供養本師釋迦牟尼世尊三切三千諸  
佛一切毘奈耶爲首及十方三世一切尊法彌勒菩  
薩優波離尊者及西天東土弘律大師現前善友受

籌比丘又復然香三炷代爲善友道壽道助等供養法界常住三寶。伏念諸佛滅後以戒爲師。惟有如說修行名爲正法住世。丁茲末運。競驚虛名。別解脫經罕知端緒。秉羯磨法。罔識範模。文字阿師。狂妄禪客。同爲師子身蟲。形服沙門。羶羊持律。並致魔軍侵侮。匹夫無位。請討何由。爰發勝心。誓勤守護。崇德辨惑。以凝道韜。光斂迹以待時。仰願諸佛菩薩應世聖賢。以本願力。救拔拯接。以大悲力。折伏攝受。令我等永杜因循。苟且之心。速奏挾持匡濟之力。再補第一義淨信堂初集

卷一 願文

二五

庚午二月禮懺總疏

娑婆世界一四天下南瞻部洲大明國福建漳州府龍溪縣菩薩戒比丘受籌。直隸蘇州府吳縣菩薩戒比丘智旭。吳江縣菩薩戒比丘性泓。福建泉州府晉江縣比丘道援。吳江縣與學沙彌明慧。相與和合一心。清淨三業。歸命十方法界常住三寶。本師釋迦牟尼世尊毘婆尸等七佛世尊。現住世間三十五佛。極

崇導師阿彌陀佛。毘尼法藏別解脫經。觀虛空藏菩薩尊經。虛空藏等諸大菩薩首唱結集迦葉尊者持律大師優波尊者翻譯流通諸大法師。現前同學同行善友。仰啓洪慈。同垂加護。籌等伏念。以戒爲師。乃最後之明誨。因戒生定。實無漏之初基。憫茲末世。競墮裂其綱維。慶我夙緣。猶獲遘於正教。既思自度。復念迷流。爰發勝懷。同心披覽。適檢閱之將終。共懺摩而發願。受籌比丘然頂香三炷。臂香十四炷。智旭比丘然臂香二十八炷。性泓比丘然臂香十炷。道援比丘然臂香四炷。及明慧等各各普爲四恩三有法界衆生。興無緣慈。運同體悲。等諸佛心。發無作誓。殷勤頂禮。慈悲道場懺法。仰願常住三寶。應世聖賢。大哀曠濟。拯切濁之沉淪。神力冥資。錫初心之福慧。令我等魔障消除。法幢高建。摧邪顯正。昭法日於中天。破似立真。報佛恩於永劫。闡毘尼之秘旨。禪那與教觀齊彰。補佛處之宏猷。暗證與依文俱竄。支那國裏。重追印土之風。後五百年。復覩初成之盛。見聞隨喜。沾法利以無疆。習學修持。紹法燈而廣紹。續釋文已墜

卷一 願文

二五